

**XAPA N'ARI YA MĪTIKAKĪNITĪ KENAME 'UKÁRI 'UKĪTSI YAXEIKĪA
MEYUPAPAIMENI, HEPAINA, YA MĪTIYĪNI WERĪ'ANEKĪA MEMĪYUXEIIYA ME
MAYE'EERIWA 'IITSIKÁTE MEMAKĪNEKĪ MEMĪYUTI'UITĪANI MĪKĪ TSIRI 'EENA
HURA 'IITSIKÁTE MEMĪTIHĪAWARIENITSÍE 2023-2024**

Yuwaikáwa teitēti kīratseyari memuxuawe meminanaimarie metá nanaimárika wahepaitsita ke mīrewatīyixime, hīkī waheitserie xeiyarika mīrayuye'atīwaniki, yu 'aimieme huutati 'utiarika wahetsiemieme kaniuyutiwewieni, xewīti titewati, autoadscripción 'iwaya ta autoadscripción calificada.

Niuki autoadscripción kanihikitini kename tsepa ke'áne tewī hayuxaxatani hakewa memieme metá hakewa meuyuhekiatamiki tsepa xika hepaitsitana nanaimarika xuaweni yatini xika kiekátaari mewaratinanaimaximeni, tatsiari xika matiari kiekataari pehikitini¹, yatini xika teitēri 'aixi memikateheukuwere² pewa'iwātini, yatini xika kiekári LGBTTTIQ+ hetsie peyuxeiyani³.

Yapita tsiere, niuki autoadscripción calificada tsie kaniyukuxatani kename partidos políticos meyiaka yamemaitikani xika tewī 'iitsikámeki yukeneni kename 'akú yuri 'utaine hakewa kīratseyari memieme, tatsiari xapate memuyetuani kename 'akú yuri matiari kiekataari wa'iwá⁴, ya tini teitēri 'aixi memikateukuwawere⁵ yianeni metá tsiere xika Karitsikutaari tewapai kayukwie hetsíe memutetika⁶ peyianeni.

KEMĪRA'ÉERITĪ DIPUTACIONES WAHETSÍE MIEME

KE'ANE WAIKÁWA PAREWIIYA MĪ 'AAXÉ

Kemī'áne teitēri memiyuti'uitiani diputaciones memi'aaxéki, mīki hekía parekumeki kaniyutimiamiki, tatsiari hipáme mekawananaimati 'ukári 'ukĭtsi yaxeikĭa meyupapaimeti⁷. Xika hipāti teitēri 'ukári metá 'ukĭtsi memikayu'ayuyeitiwa me'uyuti'uitiakuni diputaciones memi 'aaxé kī, mekanitanaki'ériwakuni xika tsikere xeime tiita mira 'ikitiariwa mekaye'atiwani. Yatini xika waikáwa 'ikitiarika mekaye'atiwani, 'ukĭtsi ke memitexeyarie wahepai mekatenixeyariekakuni.

Yaxeikĭa tsiere, diputaciones memiyu'uitiatiwe wa'ikitiarika pai kananiyineni kename matiari memi'ú mewareuxeiyatikani wawarita memaku'ni, tatsiari xika wanú 'ukĭ

¹ Artículo 8 de los Lineamientos.

² Artículo 7, numeral 4 de los Lineamientos.

³ Artículo 10 de los Lineamientos.

⁴ Artículos 8 y 9 de los Lineamientos.

⁵ Artículo 11 de los Lineamientos.

⁶ Artículo 12 de los Lineamientos.

⁷ Artículo 20 de los Lineamientos.

matiari muuwe yianeni, waritana makukeka kaniyanemiki 'uká ya tsepa 'ukí, xika ri ta 'uká yianemiki matiari muuwe, waritana kanakukekani hepaina 'uká⁸.

Parekumeki 'ukári metá 'ukítsi temíwarayexeianiki xapa ni'ari kaniuyutawewieni, maana pai katineku'uka kename 'ayehuutaré maana mekaniereti memuyuta waiká, tatsiari 20 distritos muxuawe, hixiapa mekanikainamiki, xewíti mayani waikáwa mayetirikaiye memiyutawaiká, xewíti ta yaki mirayetirikaiyetsie memiyuta waiká, mipai 'akú tsepa 'uká metá 'ukí mirayu 'íwaxi⁹.

Waikáwa memayu'íwatiwe	'Eetsiwa memayu'íwatiwe
10 distritos kanihikitini waikáwa teitéri yuvoto memiyetua méripai yu'iitsikáte memiwarutihawixitsie.	10 distritos kanihikitini 'eetsiwa teitéri yuvoto memiyetua méripai yu'iitsikáte memiwarutihawixitsie.

Hekía 'iiki mayehuhuutaretsie mekaniyuti 'uitiakuni 'ukári metá 'ukítsi (tsikere xika 'ukári meyu 50% tini), tekawa'iniatati ke'áne teitéri 'ukári metá 'ukítsi memika'ayuyeitiwa.

Xapa ni'ari hetsie pai kanayetaineni kename diputaciones tsie meyuti 'uitiwani tsikere yuxexuiti teitéri yiiki me'áneteti memuxuawe, tatsiri teitéri meminanaimari xatsikatsata, ya tini weri'aneke memayutixeyarime, 'eena mekanaka'uka kemi'ane teitéri memixatsiwa:

- Teitéri LGBTTTIQ+ memiyuxata
- Teitéri 'aixi memikatehekuwere
- Teitéri matiari kiekataari
- Teitéri teemári (18 - 35 wiitaari memeuxeiya)
- Karitsikutaari tewapai kayukwie hetsie memutetika

Yatitiri 'eena temiwakuxata kename teitéri meminanaimarie metá weri'aneke memiyuxeiya meyu 'uitiatiweni, maana ta kananiereni representación proporcional tiuyuteriwati, miikitsie ri yatinike tsepa memika'uyuti 'uitia kaniyiweni¹⁰.

REPRESENTACION PROPORCIONAL

Representación proporcional mitiuyuteriwatsie mekaniti'uitiariyekuni taamámata matiari miemetexi tsie, maana mekanaye'ukuni tsikere yuxexuiti teitéri meminanaimarie metá weri'aneke memayutixeyarime memaye'u, tatsiari meripaitsie 'iiki 'utsikatsie temíwaraka'utia¹¹, yunaiti 'iiki teitéri meminanaimarie

⁸ íbid.

⁹ Artículo 22 de los Lineamientos.

¹⁰ Artículo 23 de los Lineamientos.

¹¹ Artículo 25 de los Lineamientos.

memayuka 'utiani mekaniywaweka, yapitata memikayiwekaxiani teitére memuyuta'iiwa kemi'áne yaaki paimememe parewiya memaye'atixiani.

KE MIRA'ÉERITĪ MUNITSIPIYU WAHETSÍE MIEME

Xapa ni'ari mutanaki'eriwaxi IEPC-ACG-057/2023 hapaitsita mieme, tatsiari Naimetsíe Tixaxataame (Consejo General) mitanaki'eri, metá 'iitsikáte hiawiyari metá Kiekátaari Teparewiwaamete Karitsikutaari Kiyari (Instituto Electoral y de Participación Ciudadana), maana kaniyutixaata niuki metá 'utiarika kename 'ukári metá 'ukitsi yaxeikia heitserie mehexeiya, kename yaxeikía meyupapaimetikani metá tsiere 'eena yunaiti memaka'utika, tatsiari temiwaxata:

- Teitéri LGBTTTIQ+ memiyuxata:
- Teitéri 'aixi memikatehekuwere
- Teitéri matiari kiekataari
- Teitéri teemári 'iimarixi (18 - 35 wiitaari memeuxeiya)

Niuki Ni'ari xapayaritsie pai katineku'uka kename yunaiti partidos políticos, metá tsiere Coaliciones yatini candidaturas independientes meketaye'atiwani naimé 'utsika kemayetaine, tatsiari kename 'ukári metá 'ukitsi yaxeikía tsie ti'aneneme metaye'uuka, kename 'ukári 'ukitsi yaxekia meyupapaimeni¹².

Yaxeikía tsiere, candidaturas munitsipiyutsie miemetexi memiyuti'uitiani mekaniwareuxeiyakakuni matiari memi'ú yaxeikía tsiere wawarita memaku'úni, tatsiri xika waníu 'ukí matiari muuwe yianeni, waritana makukeka kaniyanemiki 'uká ya tsepa 'ukí, xika ta 'uká yianemiki matiari muuwe, waritana kanakukekani hepaina 'uká¹³.

Sindicaturas metá munitsipiyu 'iitsikameyariki memiyu'uitiatiwe mekaniyakakuni parekumeki xapa ti'aitaame ke mayetaine yamemitaye'atiwani, tatsiari xika 'ukári me yu 50% mehikitini, tekawa'iniatati ke'áne teitéri 'ukári metá 'ukitsi memika'ayuyeitiwa. Sindicaturas mekaniywaweni tsepa ke'aneme planilla memutawewi tatsiari tsepa keyipai 'ukári metá ukitsi memiwaranutahatia, tsikere xika rayuye'atiwani 'ukári 'ukitsi yaxeikía meyupapaiti¹⁴.

Hekía yunaiti kemi'ane 'iitsikáte memakine memuyutawaiká parekumeki mekaniyakakuni metá anuyehekiakameki, yu'aimieme xika keyupaiti candidatotsíxi memutixuawere, miki xika hixiapa tewari 'ini, taapa matsi waikáwa me'akikani, miki memiyumiire 'ukári mekaniyakakuni¹⁵.

Pai mikaranuyineniki kename xeime munitsipiyutsie 'ukitsi xeikia meyu'uitiatiwe 'iitsikáte memakineki yatini kename 'ukári xeikía meya munitsipiyu yaki

¹² Artículo 2 Inciso D y artículo 13 de los Lineamientos.

¹³ Ibid.

¹⁴ Ibid.

¹⁵ Ibid.

mitikiekáritsie¹⁶, ‘ayumieme ‘aitiarika metá ‘ikitiarika kaniuyutiwewieni, hekía tsi mekaniereti xapatsie memaka’uxa kemeyupapaimeti kiekátaari munitsipiyutsie memukutetika.

Kiekátaari ke memite’uitiarieni

- Partidos políticos metá coalición memiyiaka yuxexuiti xapa memeuxeiyani maana memaka’uxa kiekátaari kememiyupapaimeti, tatsiari yuvoto memuyetuani, ‘iiki’i xapa meripai yu’iitsikáte ke memitewaruhapa kanihikitikamiki.
- Matiari ‘uitiarika kanayeimiki kemi’áne munitsipiyu waikáwa kiekátaari miwarexeiyani, maana partidos políticos naiti kananuyehakeni, tatsiari kiekáritetsie: Zapopan, Guadalajara, Tlajomulco de Zúñiga, San Pedro Tlaquepaque, Tonalá, Puerto Vallarta, El Salto, Lagos de Moreno, Tepatitlán de Morelos, Zapotlán el Grande, Ocotlán, Tala, Arandas, San Juan de los Lagos, Ixtlahuacán de los Membrillos, La Barca, Autlán de Navarro, Zapotlanejo, Atotonilco el Alto metá Ameca kiekariyari.
- Yaxeikía tsiere ‘iiki munitsipiyute memaka’utika kananutahuhuutareni, xeimetsie yu 10 munitsipiyu mekanaye’uka, xeimetsie ta hepaina meyupaiti, maana kananuyeyeixani munitsipiyu waikáwa teitéri teparewiwamete memutixuawerixi meripaitsie elecciones.
- Matiari kainariyartsie yu 10 munitsipiyu mekanaka’uka, tatsiari kemi’áne miyiane partido político waikáwa teitéri wavoto mu’axixi.
- Huutarieka kainariyari tsie yu 10 munitsipiyu mekanaka’uka, tatsiari kemi’áne miyiane partido político yakipaimeme teitéri wavoto mu’axixi.

Ke mireuyukuweiyani kiekátaari wa’uitiarika

- Kemi’áne matiari 5 munitsipiyu manuyetetika xexuiti kiratseyari muyutiwewi: maana tsikere yu huutati candidaturas (munitsipiyu ‘iitsikámeyari) kanixuawekamiki yaxeikía me’aneneti teitéri, tatsiari ‘ukítsi yatini ‘ukári.
- ‘Imatirieka ta munitsipiyu meu’u, miki ta hirixia yuxewíti ‘uká metá yu xewiti ‘ukí mekaniyuta ‘iwakuni.

‘Iiki ‘fkitsika tsie kanayemieni ke pai munitsipiyu mireuku’uitiarietika, tatsiari yu 10 munitsipiyu memaka’uxa waikáwa kiekátaari teparewiwamete miwareuxeiya, tsiere manuku xawatika kananuyineni kename ‘ukári ya tini ‘ukítsi xeikía me’uyutawaikaxi.

Waikáwa kiekátaari memitaama – Waikáwa voto miyuti’axike					
#	Munitsipiyu	Kiekátaari	Voto minaki’eriw a	Votos	%
1	Tepatitlán de Morelos	150,190	55,153	19,233	34.87%

¹⁶ Artículo 15 de los Lineamientos.

2	Lagos de Moreno	172,403	59,342	17,178	28.95%
3	San Juan de los Lagos	72,230	28,662	8,199	28.61%
4	Atotonilco el Alto	64,009	24,043	5,617	23.36%
5	Arandas	80,609	29,584	4,966	16.79%
6	Ocotlán	106,050	36,359	4,038	11.11%
7	La Barca	67,937	25,040	2,072	8.27%
8	Zapopan	1,476,491	495,380	38,018	7.67%
9	Guadalajara	1,385,629	600,516	44,960	7.49%
10	San Pedro Tlaquepaque	687,127	103,943	7,642	7.35%

Kiekátaari wavoto miireti manuyunanake wa'uitiarika.

Yuxexuiti partido político yatini coalición mekaneuxeiyakakuni yu hetsie bloques de competitividad tiyuteriwati, kemi'áne votos miireme mu'axixi 'anuyekaiti,'imatiriekata yaki paiti votos muyu'axixi, miiki porcentaje de votación tsie mekaniereti, xikari yuheima meti'utikine, 'anutahaikame wa'uitiarika kanitixuawerimiki.

- Kiekátaari waikáwame votos memiyetua wa'uitiarika.
- Kiekátaari yakipaimeme votos memiyetua wa'uitiarika.
- Kiekátaari witsipaimeme votos memiyetua wa'uitiarika

Yaxeikia tsiere, 'iiki haikati maka'uxa, kaniyutikainamiki, 'eena 'ikiya mireku'uxa hepai.

Kiekátaari waikáwame votos memiyetua wa'uitiarika.		Kiekataari yakipaimeme votos memiyetua wa'uitiarika.	Kiekátaari witsipaimeme votos memiyetua wa'uitiarika	
Sub bloque de Alta-Alta	Sub bloque de Alta - Baja	Sin Sub bloques	Sub bloque de Baja - Alta	Sub bloque de Baja - Baja.

Xexuime tsie sub bloque mekanaye'ukamiki tsikere yu 50% 'ukári candidatura tsixi. **Tekawa'iniatati teiteri 'ukári metá 'ukítsi memika'ayuyeitiwa.** Yaxeikia tsiere xexuime tsie sub bloque yu waikáwa 'ukári metá 'ukítsi memayuka'utiani mekaniyawaweni, xekia meyiki'iwiyati kename 'ukári metá 'ukítsi kipai mekawati'uiximeni.

Ke mireuyukuweiyani bloques de competitividad media ya tini bloque sin porcentaje de competitividad.

‘Iiki temaxaxata bloques de competitividad niukiyari, pai kananiyineni kename tsepa ke pai memitewaru’uitia munitsipiyute, xeikía meyuki’iwiya kename 50% meyupaimeti ‘ukári meyiaka, perutsi tekawa’iniatati teitéri ‘ukári ‘ukítsi memika’ayuyeitiwa.

Hiikita ‘eena ‘íkitsikatsie katinaka’utiarieka ke pai bloques de población metá competitividad mitiku’uitiariwa ya tini ke pai mireuyukuhapanatika.

Waikáwa kiekátaari memitaama - Waikáwa voto miyuti’axike		Waikáwa kiekátaari memitaama - Yakipaiti voto miyuti’axike	
10 munitsipiyu waikáwa kiekátaari memiwareuxeiya, yaxeikia tsiere waikáwa teitéri wavoto mi’aaxe ya mayexiriwe elecciones matineikatsie		10 munitsipiyu waikáwa kiekátaari memiwareuxeiya, yaxeikia tsiereta yaki paimeti teitéri wavoto muyuku’axike elecciones matineikatsie	
Kiekátaari waikáwame votos memiyetua wa’uitiarika.		Kiekátaari yakipaimeme votos memiyetua wa’uitiarika.	Kiekátaari witsipaimeme votos memiyetua wa’uitiarika
Munitsipiyu waikáwameki memiyu’iwatiwe, tsikere xika me yu 50% tini ‘ukári.		Munitsipiyu yakipaimemeki memiyu’iwatiw e. Tsikere xika me yu 50% tini ‘ukári candidaturas memu’unie.	Los municipios witsipaimemeki memiyu’iwatiwe, tsikere xika me yu 50% tini ‘ukári.
Tsepa ke pai memiteuyutaxi riexia yu’uitiwamete, tsikere xika ‘imatirieka miemetexi ‘ukitsi xeikía mekayiaa ya tini ‘ukári xeikía hawaiki.	Tsepa ke pai memiteuyutaxi riexia yu’uitiwamete, tsikere xika ‘imatirieka miemetexi ‘ukitsi xeikía mekayiaa ya tini ‘ukári xeikía hawaiki.		Tsepa ke pai memiteuyutaxi riexia yu’uitiwamete, tsikere xika ‘imatirieka miemetexi ‘ukitsi xeikía mekayiaa ya tini ‘ukári xeikía hawaiki.
			Tsepa ke pai memiteuyutaxi riexia yu’uitiwamete, tsikere xika ‘imatirieka miemetexi ‘ukitsi xeikía mekayiaa ya tini ‘ukári xeikía hawaiki.

KEMIRA’ÉRITI TEITÉRI MATIARI KIEKÁTAARI WAHETSÍE MIEME

Yunaiti ‘litsikáte hiawiyari kiyari (Instituto Electoral) yaxeikía tsiere ‘litsikáte hiawiyari metá Kiekátaari Teparewiwaamete Karitsikutaari Kiyari (IEPC) memiyiaka xapate naime miraye’utse memiyetuani yaxeikía tsiere bloques mitiuyuteriwa

memiwayetuirieni partidos políticos wahetsia¹⁷.

Hiikitari, partidos políticos, coaliciones metá candidaturas memiýiaka yu planillas memanuxatatikine naime munitsipiyutsie kemi'áne waikáwa teitéri matiari kiekátaari memiwareuxeiya, hekía yunaiti planillas 'eena miraka 'uxa kanitexiekamiki¹⁸:

- Yu xexuiti planilla muyutiwewieni 'eena 5 munitsipiyutsie, kaniwaraka'utiamiki regidurías hekíatsi ke memiýipaimeni teitéri matiari kiekátaari xeime munitsipiyu tsie, miki INEGI 'útsikayaari tsie mekaniereti mekaníyakakuni.

Tatsiari 'eena 'íkitsika tsie kanaka'ukani ke meyupapaimeme regidurías memiwati'uitiani yuxexuiti partidos políticos metá coaliciones, 'eena munitsipiyu memaka'utika wahepaitsita mieme:

Munitsipiyu	Tewi matiari kiekame mayuyeitiwa	Keyupaimeti tsikere meke 'aye'utikani teitéri matiari kiekátaari xexuime planilla hetsie
Bolaños	61.17%	4 regidurías
Cuatitlán de García Barragán	67.94%	5 regidurías
Mezquitic	79.78%	6 regidurías
Tuxpan	63.88%	4 regidurías
Zapotitlán de Vadillo	51.68%	4 regidurías

Yaxeikía tsiere, 'iiki 5 munitsipiyu maxaxatsiwa tsie, kemi'ane partidos políticos muxuaweni, xeime kanayekekamiki tewi matiari kiekame 'areuhaname, tatsiari miki mi yianeni muyukeneni mayaniki munitsipiyu 'iitsikámeyaaari¹⁹.

Xika xewíti tewi matiari kiekame yukeneni 'iitsikáme mayaniki, kanitaxeyariemiki kename parekumeki yiane, 'ukári 'ukítsi yaxeikia tiwareku'uitiati. Yaxeikía tsiere, xika tewi matiari kiekame yianeni manuyeka, warita kanakukekani hepaina tewi matiari kiekame.

KE MIREYUKU'EERIE KIEKARI LGBTTTIQ+²⁰MEMITEHAWIYA WAHEKİ

¹⁷ Artículo 15 de los Lineamientos.

¹⁸ Artículo 16 de los Lineamientos.

¹⁹ Artículo 16 de los Lineamientos.

²⁰ Artículo 17 de los Lineamientos

pireyunitse kename meyuti'uitiani tsikere ke meyupaimeti memitekunanake teitéri LGBTTTIQ+ memitehawiya, tatsiari 4.7% paimemetsié munitsipiyu, miki ri 6 munitsipiyu heuta'iniarimeki (tiyuxeiyati INEGI ke maine kename ke meyupaimeti 'etsitarutsié mepitama miki kiekataari LGBTTTIQ+ memitehawiya). 'Iiki karayexeiyati ke paiti planillas miyuti'uitiani.

'Iiki' memiyuti'uitiani mepiyiaka mitiuyuteriwatsié bloque poblacional metá tsiere bloque competitividad. Yunaiti kehate memiwatitimarieximetsié wahepai, 'eena tsiere piyiwe memite'uta'unieni matiari memiti'uuniki (propietarios) ya wawarita memaku'uuni (suplentes) miki LGBTTTIQ+ memitehawiya.

Yapireyuxewi ke pai mitiyu'iniata kimana mireyutimani ke meyupaimeti 'ukári metá 'ukítsi mepeniitarieni miki 'akuxi mekawaku'ininiatati kehate ni 'ukítsi ni 'ukári memika'ayuyeitiwatika, pai pireyuxewi kename miki meka'iniarieni memiti'iniatsienitsié 'ukári 'ukítsi, xikatsi hekia 'iiki ya meteheku'iyaritika memiyu'iniatatiwe candidaturas²¹. heki meka'anutikikani 1% paimemetsié.

Miki ni memika'ukári metá ni memika'ukítsi memitihawarieniki memiyu'iniatatiwe xikari yunaiti me'iniariti 1% paimemeki me'anutikikani miki mepeuyehatirika 'ukítsi wa'iniariyatsié.

Teitéri *trans* memayuyeitiwa xika miki yuxapate mekatehexeiyani paireku'utikaime yukimana yu'iyariki ke titamexi memite'ayuyeitiwa, kami piyiwexaxiani memayuka'itiani yukimana ke memite'uyuteriwaki tsepa miki yikipita memitehekuteukaritsié 'iitsikame xapateyatsié.

KE MIREYUKU'EERIE TEITÉRI 'AIXI MEMIKATEHEKUWEWERE²² WAHEKI

Pai pireyunitse kename meyuti'uitiani tsikere ke meyupaimeti memitekunanake teitéri 'aixi memikatehekuwewere, tatsiari 15.15% paimemetsié munitsipiyu, miki ri 19 munitsipiyu heuta'iniarimeki (tiyuxeiyati INEGI ke maine kename ke meyupaimeti 'etsitarutsié mepitama kiekataari miki 'aixi memikatehekuwewere). 'Iiki karayexeiyati ke paiti planillas miyuti'uitiani.

'Iiki' memiyuti'uitiani mepiyiaka mitiuyuteriwatsié bloque poblacional metá tsiere bloque competitividad alta y media.

Hepaina tsiere, yunaiti kiekataari weri 'anekia memiyuxeiya ya memiwatinanaimariexime wahepai, 'iiki teitéri 'aixi memikatehekuwewere mepiyuti'uitiani memiyuta'iwaxianiki 'iitsikate memakineki matiari memiti'uuniki ya wawarita memaku'uuni, rayuye'atiwati 'ukári 'ukítsi yaxeiki meyupapaimeti.

²¹Artículo 17, numeral 4 de los Lineamientos.

²² Artículo 18 de los Lineamientos

KE MIREYUKU'EERIE TEITÉRI TEEMARI METÁ 'IMARIXI WAHEKI

Niukite ni'arite pai pirekunitse kename meyuti'uitiani tsikere ke meyupaimeti memitekunanake kiekataari teemari metá 'iimarixi miki xexuimetsie planillas miyuti'iniata munitsipiyupa. Hepaina tsiere, ya hate memiyuti'iniata matiar memiti'uuniki ya wawarita memaku'uuni mepihitkani 18-35 wiitaari 'aana mitiyutihawititsie, yatiyukunakitsitiwati 'ukári 'ukítsi ya xeikia meyupapaimeti pai mirexewi kuruxi xapate²³ hetsie.

XIKA KARAYUYE'ATIANI NI'ARI KE MIREYUNITSA 'UKÁRI 'UKÍTSI YAXEIKIA MEYUPAPAIMETI METÁ MEMA'EERIWANI WERI'ANEKIA MEMIYUXEIIYA

Ni'ari ke mireyunitsa 'ukári 'ukítsi yaxeikia meyupapaimeti metá mema'eeriwani weri'aneikia memiyuxeiiya yatini memiwatinanaimariexime, xika miki karayuye'atiani 'aixi mirakayiniki 'ipai pitiiyi:

Xika karayuye'atiani yatini neeni ti'aneti ranutinexiani mexi rayuye'atiwa niuki ke mireyunitsa kename 'ukári 'ukítsi yaxeikia meyupapaimeti, miki pai pitiiyi xapa'utsika panuyini'ani partido político, coalición ya candidatura independiente hetsia kimana 'aixi mirakayurieni ke pai tuukari mipitiarienitsie, xika mipai katiuyurieni piyiwexaxiani mikunamiyurieni mikayuka'itiani yatiniketi pikayuta'iniata yatini pikatsutiariyurieni yikipita mayitari 'aneme tikwetatiarikameki.

Xika karayuye'atiani 'aixi miraka'itiiariwatsie, maana 'litsikáte hiawiyari metá Kiekataari Teparewiwaamete Karitsikutaari Kiyari Karitsiku miwe piyiwexaxiani sorteos muwewieni yunaime memiyu'uitiawe wahetsia maana mireyutimaniki kehate mepikayiwexaxiani memiyuti'iiwa, hekiatsi 'ukári 'ukítsi yaxeikia mekaniyutipapaimerekuni. 'Iki waikari sorteo hetsie maana mepikaheuyehatarieni 'ukári tsiere teitéri kehate weri 'aneikia memiyuxeiiya yakatixai memiwatinanaimariexime.

Teitéri kehate weri 'aneikia memiyuxeiiya, wahetsie mieme ke miraine kename pareku keti'aneni xika miki karayuye'atiani xapa 'itiiarika panuyini'ani ke'ane yamikaraye'atia hetsia kimana 'aixi mirakayurieniki ke pai tuukari mipitiarienitsie, xika mipai katiuyurieni piyiwexaxiani mikunamiyurieni mikayuka'itiani yatiniketi pikayuta'iniata.

Xika karayuye'atiani 'aixi miraka'itiiariwatsie, miyini Secretaría Ejecutiva miki sorteos pitiwewieni pitihayewa rayuye'atiayu ke miraine kename pareku tikahuritini pai mirekunitse Niuki Ni'ari²⁴ 'itiiarikayari hetsie.

²³ Artículo 19 de los Lineamientos.

²⁴ Artículo 28 de los Lineamientos.